



## BOARD OF EDUCATION

Keshia Thomas, President  
Valerie F. Davis, Clerk  
Claudia Cazares  
Genoveva Islas  
Elizabeth Jonasson Rosas  
Carol Mills, J.D.  
Major Terry Slatik USMC (Retired)

## SUPERINTENDENT

Robert G. Nelson, Ed.D.

### **Lus Tshaj Qhia los ntawm Hauv Paus Tsev Kawm Ntawv Tus Tuam Thawj Tswj Nelson Lub 4 hlis tim 3, 2020**

Zoo siab Hnub Friday rau Hauv Paus Tsev Kawm Ntawv Fresno cov tsev neeg!

Hnub no txwm nkaus rau 3 lub lis piam ntawm qhov muab tsev kawm ntawv kaw thiab muaj ntau yam tshwm sim rau lub lis piam no, raws li nram qab no. Peb ua hauj lwm ua ke nrog rau Lub Koom Haum Saib Xyuas Cov Xib Fwb kom muaj ib qho kev pom zoo nrog rau peb cov xib fwb los mus siv qhov ntsiab lus “Qhia, Kawm thiab Txuas Lus” los yog “TLC” txhua lub lis piam. Txhais tau hais tias peb cov xib fwb yuav Qhia, Kawm thiab Txuas Lus rau lawv cov tub ntxhais kawm ntawv thiab lwm tus xib fwb. Peb twb pib muab cov laptops faib rau cov tub ntxhais kawm ntawv qib 4-12 thiab muab 3,500 lub tablets ntiv rau peb cov tub ntxhais kawm qib Pre-K txog qib 3. Nco qab ntsoov hais tias – koj lub tsev kawm ntawv yuav hu rau koj, mam li teem caij rau koj tuaj mus nqa, yog li ntawd thov nej txhob cia li tuaj mus nqa yam tsis tau teem caij. Peb tau muab ntau tshaj li 261,000 qhov zaub mov nyob rau lub lis piam no nkaus xwb, uas tag nrho peb twb tau muab ze li ntawm 590,000 qhov zaub mov rau 15 hnub ntawm qhov kev kaw tsev kawm ntawv no.

Raws li koj twb tau hnov lawm, hnub Wednesday tag los no, peb cov txwj laug saib kev kawm pom zoo muab tsev kawm ntawv kaw kom tag rau xyoo kawm ntawv 2019-2020 no. Peb paub hais tias qhov kev txiav txim siab no yog lawm, kom cov tub ntxhais kawm ntawv muaj kev ruaj ntseg thiab kev noj qab nyob zoo, tiam sis peb SAWV DAWS yeej muaj kev tu siab rau qhov kev poob kev kawm rau xyoo no – tshwj xeeb tshaj yog cov tub ntxhais kawm qib 12. Qhov kev tu siab ntawd nws nyuaj heev – thiab kuj tseem muaj peb ib txhia uas yeej tseem tsis muaj peev xwm los mus txais yuav tej yam no tau li. Uas nws yeej TSIM NYOG thiab peb sawv daws yuav tsum tau ua hauj lwm kom dhau tej kev nyuaj siab no. Txhob hnov qab saib xyuas koj tus kheej kom muaj kev nyob nyab xeeb ntawm koj txoj kev xav thiab lub cev ntaj ntsug rau lub caij peb los nyob rau hauv tsev no.

Yog li ntawd, kuv thiaj xav los hais kom meej txog qee yam tseem ceeb ua ntej peb mus So Rau Lub Caij Nplooj Hlav (Spring Break) lub lis piam tom ntej no.

Qhov thib ib, peb tseem muaj kev cog lus los mus tsim kom muaj cov koob tsheej kev zoo siab rau cov tub ntxhais kawm qib 12 kawm tiav. Peb tseem tsis tau paub hais tias thaum twg mam li muaj cov koob tsheej no, los yog, saib nws yuav zoo li cas tiag, tiam sis kuv lav loos rau nej hais tias peb yeej yuav ua kom muaj cov koob tsheej zoo siab rau tej yam tseem ceeb no rau peb cov tub ntxhais kawm tiav qib 12 thiab lawv tsev neeg.

Qhov ob, peb tab tom ua hauj lwm nyhav rau lub sij hawm no los mus tsim ib qho cai muab qhab nia rau peb qhov quarter thib 4, thiab kuv yeej hais tsis txhua txog tej yam kev tseem tseeb los

ntawm kev cuam tshuam txog tej kev txiav txim siab no. Nws yuav tsis tau tsim nyog uas peb yuav muab txhua yam uas peb npaj yuav ua coj los tso tawm ua ntej peb cov thawj xib fwb thiab txwj laug tau los mus soj ntsuam thiab tso cai tso, tab sis peb yuav qhia qee yam tseem ceeb txog ntawm peb cov kev npaj. Thov nco qab ntsoov hais tias qhov no yuav muaj kev hloov pauv nrog rau kev muab tswv yim los ntawm hauv paus tsev kawm ntawv cov thawj coj thiab cov Txwj Laug.

1. Yuav tsis muaj kev nplhom sij rau ib tug tub ntxhais kawm ntawv twg txoj kev kawm nyob rau lub caij tsev kawm ntawv kaw no – txhais tau hais tias koj cov ntaub ntawv teev khab qab nia rau lub quarter thib 3 yuav yog qhov qhab nia qis tshaj uas koj tau txais nyob rau koj qhov quarter thib 4.
2. Cov tub ntxhais kawm ntawv yuav muaj ntau lub hwv tsam los mus kawm kom tau qhab nia zoo dua rau lub quarter thib 3, ua ntej xyoo kawg ntawm lub xyoo kawm ntawv no.

Qhov thib 3, txawm tsev kawm ntawv kaw lawm, los kev kawm ntawv tseem tsis tau xaus. Lub quarter thib 4 yuav muaj 3 yam kev kawm raws li nram no:

1. Cov tub ntxhais kawm ntawv kawm kom tau qhab nia tau zoo dua qub
2. Cov tub ntxhais kawm ntawv kom muaj kev npaj txhij rau lawv kev kawm qib tom ntej
3. Cov tub ntxhais kawm ntawv kawm kom lawv muaj kev loj hlob rau lawv tus kheej vim txoj kev kawm tsis yog yuav hais txog kev qhia ntawv rau lub xeev ib qho xeev, los yog, ib qho qhab nia xwb.

Qhov kawg no, peb tab tom nrog nej cov tsev kawm ntawv sib tham txog qhov hais tias yuav mus nqa nej tej khoom hauv cov chav kawm li cas, yuav muab tej khoom yuav tau los faib li cas, yuav rov tej nyiaj them rau Prom los yog Hmo Kawm Tiav (Grad Nite) thiab yuav mus yuav tej kos mom thiab khaub ncaws hnav kawm tiav rau peb cov tub ntxhais kawm tiav qib 12 li cas. Uas peb yeej tseem tsis tau muaj lus teb rau tag nrho tej no. Ib yam li kuv tau nug nej txhua hnuv rau 14 hnuv txij li kaw tsev kawm ntawv dhau los, thiab kuv tseem yuav nug nej dua rau qhov kev kaw tsev kawm ntawv hnuv thib 15 no kom nej ua lub siab ntev rau peb thaum lub caij nyuaj li no.

Peb yuav nyob ntsiag to me ntsis rau lwm lub lis piam thiab peb thov txhawb kom nej muaj kev lom zem rau thaum nej los so rau lub caij nlooj hlav no kom ntau li ntau tau thaum tseem muaj kev los mus nyob hauv tsev thiab xyaum kev nyob sib nrug deb. Peb tseem yuav muaj kev muab zaub mov noj ntxuas ntxiv lwm lub lis piam, tseg kiag hnuv Friday uas yog hnuv so thiab peb yuav qhia rau hauv peb qhov website thiab cov social media los qhia nej txog cov tsev kawm ntawv uas muaj muab zaub mov noj. Xav paub txog cov lus tshaj qhia tshiab txog kev tsev kawm ntawv kaw, cov chaw muab zaub mov noj, thiab cov kev pab rau kev kawm kuv txhawb kom nej mus saib txuas ntxiv rau ntawm [www.fresnounified.org](http://www.fresnounified.org). Saib xyuas nej tus kheej thiab cov neeg uas nej hlub kom zoo!